

OHCEJOGA GIELDDA
BIRASSUODJALANMEARRÁDUSAT

Fámus jagi 2010 rájes
Beaivádeapmi jagi 2014

SISDOALLOLOGAHALLAN

LOHKKII

1 LOHKU ALMMOLAŠ MEARRÁDUSAT

- 1 § Mihttomearri
- 2 § Mearrádusaid addin ja bearráigeahčču
- 3 § Mearrádusaid heiveheapmi ja gaskavuolta eará mearrádusaide
- 4 § Meroštallamat

2 LOHKU ČÁZIIDSUODJALEAPMI JA BÁZAHUSČÁZIID LUOITIN

- 5 § Oktasaš mearrádusat dálloalločáziid gieđahallamis guovlluin, mat leat čáhcefuolahuslágádusaid bázahusčáhcebohcciid olggobealde
- 6 § Bázahusčáhcevuogádaga fuolahus ja ortnegisdoallan
- 7 § Dálloalločáziid gieđahallan bodnečáhceguovlluin sihke gáddeviidodagain
- 8 § Návehiid ja mielkelanjaid bázahusčázit
- 9 § Dálloalolu bázahusčáziid ektui earálágan bázahusčáziid golgat bidjan čáhcefuolahuslágádusa bohcciide
- 10 § Mohtorfievrruid, mášeniid ja rusttegiid sihke láhtteránuid bassan
- 11 § Fatnasiid bassan ja fuolahus
- 12 § Ealliid juolggušansajit sihke gilvagiid ja eastadanávdnasiid geavaheapmi
- 13 § Asfáltasadji ja geađgemollenlágádus
- 14 § Bohccuid biebman gárddis
- 15 § Beatnagiid gárddis doallan ja veaddin

3 LOHKU BUOLLI GOLGOSAT, KEMIKÁLAT JA VÁRALAŠBÁZAHUSAT

- 16 § Oktasaš mearrádusat buolli golgosiid, kemikálaid ja váralašbázahusaid giehtadallamis
- 17 § Kemikálaid ja váralaš bázahusaid gieđahallan bodnečáhce- ja gáddeviidodagain

4 LOHKU BÁZAHUSAID ÁVKIN ATNIN JA GIEĐAHALLAN SIHKE MUOHTTAGA VUOSTÁVÁLDINBÁIKKIT

- 18 § Muohttaga vuostáváldinbáikkiid sadji ja suddančáziid gieđahallan
- 19 § Visttiid ja ráhkadusaid jávkadeapmi boaldimiin sihke gulu boaldin

5 LOHKU GAVJJA DUSTEN

- 20 § Huksen-, gaikkodan-, ortnegisdoallan- ja buhtisindoallanbargguid gavjadusten
- 21 § Johtolatluottaid, šiljuid ja orustanbáikkiid buhtisindoallan
- 22 § Gaskaboddosaš geađgemollen ja laigun

6 LOHKU ŠLÁMA EASTIN

23 § Šlápmaalmmuhanmeannudeapmi

24 § Muosehuhti šlápma ihkku

7 LOHKU EARÁ MEARRÁDUSAT

25 § Eanalieggasa ávkinatnin

26 § Špiehkasteapmi birassuodjalanmearrádusain

27 § Čuovvumušat birassuodjalanmearrádusaid rihkkumis dahje guođđimis vuhtiiválddekeahttä

28 § Sirdásannjuolggadusat

29 § Birassuodjalanmearrádusaid fápmuiboahhtin

LOHKKII

Mat birassuodjalanmearrádusat leat ja geasa dat gusket?

Birassuodjalanlága (86/2000) 19 § addá gielddaide vejolašvuoda addit birassuodjalanmearrádusaid báikkálaš dili mielde. Birassuodjalanmearrádusat addojuvvojit eastin dihtii birrasa nuoskuma. Mearrádusat čatnet buohkaid Ohcejoga gielddas doaibmi ovtat olbmuid ja fitnodagaid, maid doaimmain sáhtta šaddat birrasa nuoskun. Mearrádusat eai guoskka birassuodjalanlágas sierra máinnašuvvon doaimmaid, mat leat ráddjejuvvon daid olggobeallái. Ovdamearkka dihtii fitnodagaid, maidda lea mieđihuvvon biraslohpi, eai mearrádusat guoskka daid buohta, mat biraslobis leat gieđahallojuvvon.

Sáttasátnin Anára ja Ohcejoga birassuodjalanmearrádusaid beaivádeapmái 2013

Birassuodjalanmearrádusaid sisdollui ja doahpagiid ollimii váikkuhit birassuodjalanlága lassin maid eará ásahusat. Ođđa dahje ođasmuvvan njuolggadusat leat ee. birassuodjalanlága 3 a lohku (196/2011), čáhceláhka (587/2011), bázahusláhka (646/2011), gádjunláhka (379/2012), juohkinstašuvdnaásahus (444/2010), geađgelaiguma ja mollema ásahus (800/2010) ja asfáltastašuvdnaásahus (846/2012).

Birassuodjalanmearrádusaid ulbmilin ii leat leahkit jo njuolggá láhkamearrádusaid vuodul čuovvunláhkai mearriduvvon áššiid listu, baicce iežas iehčanas mearrádusčoakkáldat, man viggamuššan lea birrasa nuoskuma hálddašeapmi. Muhtun paragrafaid buohta lea goittotge buorre čujuhit áššeoktavuoda geažil njuolggadussii, mii lea juo fámus.

Beaivádeami oktavuodas maiddái sierranas vuodustallanoasis luhppojuvvo ja vuodustallamat báhcet duogáš- ja válmmaštallanmateriálan, man birra sáhtta jearrat njuolggá birasáššiid dikšu virgehálldašeaddjis.

Čujuhemiin čujuhuvvo seamma ášši guoski eará njuolggadusa sisdollui.

Gos lea fidnemis lassediehtu birassuodjalanmearrádusain?

Birassuodjalanmearrádusat gávdnojit gieldda internet-siidduin birassuodjaleami vuolde. Mearrádusat leat fitnemis maiddái gielddadálus ja gažaldagaid mearrádusaid birra galgá čujuhit birassuodjalanáššiid dikšu virgehálldašeaddjái.

1 LOHKU ALMMOLAŠ MEARRÁDUSAT

1 § Mihttomearri

1.1 Birassuodjalanmearrádusaid mihttomearrin lea Ohcejoga gieldda báikkálaš dili vuhtii váldimiin dorvvastit suohtasis, dearvvaslaš ja oadjebas ássanbirrasa ja eastit birrasa nuoskumis sihke jávkadit ja geahpedit nuoskumis šaddi hehttehusaid dan láchkai go birassuodjalanlágas lea mearriduvvon.

2 § Mearrádusaid addin ja bearráigeahčču

2.1 Birassuodjalanmearrádusaid lea addán Ohcejoga gieldda gielddastivra birassuodjalanlága 19 § vuodul.

2.2 Mearrádusaid doahttaleami gohcá gieldda birassuodjalanvirgeoapmahaš.

2.3 Birassuodjalanvirgeoapmahaš sáhtta sirdit dasa dáin mearrádusain gulli mearridanválddi iežas vuloš virgehálddašeaddjái.

3 § Mearrádusaid heiveheapmi ja gaskavuohta eará mearrádusaide

3.1 Dát mearrádusat leat fámus oppa gielddas, jos ii dáin mearrádusain eará sajis nuppeláhkai mearriduvvo.

3.2 Dát mearrádusat eai guoskka

- a) biraslobi vuloš doaimmaid
- b) doaimmama, masa heivehuvvojit birassuodjalanlága 61 § (iskanlundosaš doaimmat), 62 § (eahpedábálaš dáhpáhusat), 65 § (registreren) dahje 78 § (eanavuodu buhtisteapmi) manahallamiid
- c) bealuštanfámuid doaimmaid.

3.3 Birassuodjalanmearrádusat čuvvojat gieldda ja dan sullasaš eará mearrádusaiguin bálddalagaid ja dárbbasettiin seammaáigásaččat. Dákkár mearrádusat leat ee. bázahusfuolahusmearrádusat, huksenortnet, ortnetláhka sihke muhtun ráje lávvamearrádusat. Juos seamma áššis lea meroštallojuvvon gieldda eará mearrádusas, de galgá birassuodjalanmearrádusa čuovvut dalle, go dan sáhtta geahččat doalvut birassuodjaleami beales buoret bohtosii. Gieldda eará virgeoapmahaččat galget lohpeášši čoavddedettiin dahje eará virgeoapmahašmearrádusa dagadiin váldit vuhtii dan, mii dáin mearrádusain mearriduvvo.

4 § Meroštallamat

Bázahusčáhcemodiin dárkkuhuvvo buhtistanrusttetmohti sihke vuojulduhttingáivvodahje gittagáivvomohti.

Bodnečáhcegovlluin dárkkuhuvvojit I ja II -luohká bodnečáhceguovllut nuppiin sániin čáhceváldinatnui deatalaš eará bodnečáhceguovllut ja čáhceváldinatnui heivvolaš bodnečáhceguovllut. Bodnečáhceguovlokárttain sáhttet oidnot vel maiddái III -luohká bodnečáhceguovllut, mat dárkkistemiid oktavuodas rivdet I dahje II -luohká guovlun dahje báhcet eret. Jos servodaga bálvleaddji čáhceváldinsadji lea III -luohká bodnečáhceguovlun merkejuvvon guovllus, de gusket dasa goittotge seamma mearrádušat go I- ja II -luohká guovlluide.

Gáddeviidodagain oaivvilduvvo dat gáddeviidodat, mii ollá 100 mehtera duohká gaskačáhceallodaga mielde čázádaga (gč. čázádaga meroštallan) čáhcerájás, jos čuožžovaš lávain ii leat nuppeláhkai čujuhuvvon.

Deahtta huksejuvvon guovlluin dárkkuhuvvojit guovllut, maidda lea ráhkaduvvon sajádatlávva, čoaikkebáikkít, plánendárboguvllut ja gáddesajádatlávvguvllut.

Dállodoallobázahusčáziin dárkkuhuvvo viesuid, doaimmahagaid, fitnodatvisttiid ja lágádusaid čáhcehivssegiin, kievkkaniin, basadanlanjain ja dan sullasaš sajiin ja rusttegiin vuolgi bázahusčáhci sihke šibitdáluid mielkelanjain dahje eará ealáhusdoaimmain vuolgi, iešvuoda ja čoaiku beales dán sullasaš bázahusčáhci.

Dulvečáziin dárkkuhuvvo alimus dulvečáhceallodat, mii lea gaskamearálaččat oktii 100 jagis (HW 1/100).

Obbatánka dárkkuha čáhcejeahkki, dálloallobázahusčázi dahje mođi gaskaboddosaš vurdemii oaivvilduvvon tánka, mas ii leat bázahusčázi burginbohcci birrasii.

Čáhcefuolahuslágádusa doaimanguovlluin oaivvilduvvo guovlu, gos čáhcefuolahuslágádus fuolaha čáhcefuolaheamis dan mielde go čáhcefuolahuslágas mearriduvvo.

Čázádagain oaivvilduvvo jávri, láttu, johka, ája ja eará lunddolaš čáhceviidodat sihke dahkujávri, kanála ja eará dan sullasaš olbmohkan čáhceviidodat; čázádahkan ii liikkáge lohkkovuvvo smávva ádjagaš, rávaroggi ja gáldu.

2 LOHKU ČÁZIIDSUODJALEAPMI JA BÁZAHUSČÁZIID GOLGAT BIDJAN

5 § Oktasaš mearrádušat dálloallobázahusčáziid gieđahallamis guovlluin, mat leat čáhcefuolahuslágádusaid bázahusčáhcebohcciid olggobealde

5.1 Bázahusčáziid luoitimis ja gieđahallamis galgá doppe, goas eai leat čáhcefuolahuslágádusa bázahusčáhcebohccit, čuovvut birassuodjalanmearrádušaid lassin dálloallobázahusčáziid gieđahallamis addojuvvon stáhtaráđi lálkaásahusa (ng. dálloallobázahusčáhceásahus) sihke giełlda huksenvuogádaga ja bázahusfuolahusmearrádušaid njuolggadusaid.

Čujuheapmi:

Stáhtaráđi ásaħus dálloallobázahusčáziid gieđahallamis čáhcefuolahuslágádusaid bázahusčáhcebohcciid olggobeale guovlluin 209/2011.

Dállodoallobázahusčáhceásahasas oaivvilduvvon giehtadallangáibádusat birrasii šaddi noađi geahpedeapmin leat čuovvovaččat:

	<i>Uhcimusgáibáđus bázahusčáziid buhtistandássái</i>	<i>Rávan addon buhtistandási nuoskumii hearkkes guovlluin</i>
<i>Orgánalaš ávnnas (BHK₇)</i>	80 %	90 %
<i>Oppalašfosfor (P)</i>	70 %	85 %
<i>Oppalašhávkkka (N)</i>	30 %	40 %

5.2 Bázahusčáziid gieđahallamii giddodagas, mii lea bodnečáhce- ja gáddeviidodagaid olggobealde, gáibiduvvo dálloallo-bázahusčáziid gieđahallamis dálloallo-bázahusčáhceásahusa uhcimugáibádusaid deavdi buhtistandási.

5.3 Bázahusčáziid gieđahallanvuogádagaid ja buhtistuvvon bázahusčáziid luoitinsajiid bidjamis galgá čuovvut čuovvovaš unnimussuodjegaskkaid:

Sadji	Mátki uhcimustá (m)	
	WC-čázit	Almmá WC haga
Čáhceváldinsadji	200	100
Dálločáhcegáivvo dahje gáldu	50	25
Čázádat	30	15
Rávaroggi	10	5
Geaidnu dahje viessosaji rádjá	5	5

Suodjegeardi alimus bodneáhcegierraga bajábealde

- eanasillehat	0,5	0,5
- eatnamii njammásuhttin	1	1
- njammásahttingáivvo, -spábba dahje -roggi	1	1

5.4 Buhtistuvvon bázahusčáziid ráđjarávaroggái luoitimii galgá skáhppot ránnjá čálalaš miehtama. Buhtistuvvon bázahusčáziid ii oaččo luoitit eatnangeaidnoguora (almmolaš geainnu) rávaroggái almmá geainnu hálddašeaddji virgeoapmahačča lobi haga.

5.5 sihkkjuvvon eret 7.4.2014

5.6 Sirdásanáigemearráđus lea buktojuvvon ovdan 28 §:s.

6 § Bázahusčáhcevuogádaga fuolahus ja ortnegisdoallan

6.1 Giddodaga hálddašeaddji galgá stáhpu mielde dárkkistit ja fuolahit bázahusčázi buhtistanrusttegiid, vai dat leat doaibmanortnegis juohkelágan dilis. Bázahusčáhcevuogádaga galgá fuolahit ja geavahit dan geavahan- ja fuolahusrávvaga mielde. Vuojulduhtintánkkaid mohtesajiid galgá dárkkistit ja dárbbasettiin gurret uhcimustá oktii jagis. Gurrema maŋná vuojulduhtintánkkaid áššáigullelaš doaibmama galgá sihkkarastit. Obbatánkkaid galgá gurret uhcimustá oktii jagis. Obbatánkkaid, main lea dievvamis váruheadđji, sáhtta gurret easkka dalle go dárbbasa.

6.2 ja 6.3 sihkkovuvvon eret 7.4.2014

6.4 Giddodathálddašeaddji galgá doallat girjji gurremiin, dárkkistemiin ja rusttegiid ortnegisdoallamis. Dieđuid galgá bivdediin čájehit bearráigeahčči virgeoapmahažžii.

Čujuheapmi:

bázahusfuolahusmearrádušat

Stáhtaráđi ásahus dálloallobázahusčáziid giedahallamis čáhcefuolahuslágádusaid bázahusčáhcebohcciid olggobeale guovlluin (209/2011)

7 § Dállodoalu bázahusčáziid giedahallan bodnečáhceguovlluin sihke gáddeviidodagain

Dan lassin mii 5 §:s lea mearriduvvon, galgá čuovvut dálloalu bázahusčáziid giedahallamis čáhcefuolahuslágádusaid bázahusčáhcebohcciid olggobealde bodnečáhceguovlluin sihke gáddeviidodagain čuovvovaš mearrádušaid:

7.1 **Bodnečáhceguovlluin**, main lea servodaga bálvaleaddji čáhceváldinsadji, lea giddodaga iežas bázahusčáhcegiedahallan gildojuvvon. Jos čáhcefuolahuslágádusa bázahusčáhcebohccide laktáseapmi ii leat vejolaš, de galgá bázahusčáziid bidjat golgat deahtta bázahusčáhcebohcci čađa bodnečáhceviidodaga olggobeallái giedahallama várás dahje vurket obbatánkkii bázahusčáhcebuhtisteapmái doalvuma várás.

7.2 **Earáin I ja II –luohká bodnečáhceviidodagain** jos čáhcefuolahuslágádusa bázahusčáhcebohccide laktáseapmi ii leat vejolaš, de galgá bázahusčáziid bidjat golgat deahtta bázahusčáhcebohcci čađa bodnečáhceviidodaga olggobealde giedahallama várás dahje vurket obbatánkkii bázahusčáhcebuhtisteapmái doalvuma várás dahje wc -čáziid galgá vurket obbatánkkii bázahusčáhcebuhtisteapmái doalvuma várás ja eará ng. ránes čáziid giedahallat dan láhkai, ahte deavdá dáid mearrádušaid 5.3 § ja dálloallobázahusčáhceásahusa rávan addojuvvon giedahallangáibádusaid.

Bodnečáhceguovlluid ráját ja luohkáid mielde juohku vuodđuduvvet birashálddahusa Hertta vuogádahkii. Kártakopiiat leat mearrádušaid čuovusin.

7.3 **Gáddeviidodagain** galgá váldit vuhtii dan, ahte dulvečáhci (HW 1/100) ii beasa doidit buhtiskeahtes bázahusčáziid obbatánkkas, vuojulduhtintánkkain dahje buhtistanrusttegis.

Sierranas sávdnevisttis boahhti uhcánaš bassančáziid (guddojuvvon čáhci) sáhtta njammásuhttit uhcimustá 15 mehtera duohkái čáhcerájás. Uhcánašge bázahusčázit eai oaččo šaddat gieđahalakeahttä njuolggá čázádahkii.

7.4 Čáhcehivssesga huksen 30 m lagabui čázádaga lea gildojuvvon.

7.5 Sulluide dahje giddodagaide, maida ii leat geaidnooktavuohta birrajagi, ii oaččo ráhkadit dakkár bázahusčáhcevuogádaga, man doaibmama várás lea dárbbaslaš vuojulduhtintánkka, obbatánkka dahje dan sullasaš ortnega stáhpu miel gurren.

7.6 Lávveamearrádusaid, mat gusket hivssegiid, galgá čuovvut, juos dáin mearrádusain ii leat mearriduvvon birrasa beales buoret buhtistandásis.

7.7 Obbatánkii galgá bidjat dievvamis almmuhanrusttega ja WC -čáziid obbatánkka ii oaččo bidjat 30 m lagabui čázádaga. Anus eret biddjon oljotánka ii leat bázahusčázi dohkálaš obbatánka.

7.8 Sirdásanáigemearrádus lea buktojuvvon ovdan 28 §:s.

8 § Návehiid ja mielkelanjaid bázahusčázit

8.1 Návehiid ja mielkelanjaid bassančázit sihke ovddos bidjat dohkemeahttun mielki galget gieđahallojuvvot dađe várás oaivvilduvvon sierranas gieđahallanvuogádagas dahje ovttas ássanbázahusčáziiguin oktasašatnui oaivvilduvvon gieđahallanvuogádagas. Bassančáziid ja dakkár mielkki, man ii dohkke bidjat ovddos, sáhtta maiddáid bidjat golgat mohte- dahje gužžagáivvui ovddabealde máinnašuvvon buhtistančovdosiin ovttas.

8.2 sihkkujuvvon eret 7.4.2014

9 § Dállodoalu bázahusčáziid ektui earálágan bázahusčáziid bidjan golgat čáhcefuolahuslágádusa bohcciide

9.1 Dállodoallobázahusčáziid ektui earálágan bázahusčáziid bidjan bázahusčáhcebohcciide lea gildojuvvon almmá čáhcefuolahuslágádusa lobi haga (industriijabázahusčáhcesohpamuš).

9.2 Bázahusčázit, main leat dakkár ávdnasat ja ovtastusat, mat sáhttet fuonidit bázahusčáhcebuhtistanrusttega doaibmama, hehttet bázahusčáhcemođi ávkinatnima dahje dagahit hehttehusa bázahusčáhcebohcciin, galget gieđahallojuvvot ovddalgihtii áššálaš ja sturrodaga beales doarvái buorre sátto-, oljo- ja/dahje vuodjasirren-rusttegiin dahje eará álgogiedahallanvugiin ovdal bázahusčáhcebohcciide luoitima. Dákkáraš bázahusčázit leat ee. vara, oljjuid, luvvadasaid, vuojaid ja lossametállaid sisttisdoalli čázit. Álgogiedahallanrusttegiid ortnega ja doaibmama galgá čuovvut stáhpu mielde ja daidda galgá dahkat fuolahusa jahkásaččat. Sirrenrusttegiidda galgá bidjat gurrendárbbu almmuheaddji dieđihanbiergasiid ja sirrenrusttegiid mañábeallai galgá bidjat čájánasváldingáivvo. Sirrenrusttegiid dárkkistemiin ja gurremiin galgá doallat girjji ja dieđuid galgá bivdedettiin čájehit bearráigeahčči virgeoapmahažžii.

10 § Mohtorfievrruid, mášeniid ja rusttegiid sihke láhtteránuid bassan

10.1 Mohtorfievrruid, mášeniid ja eará dakkár rusttegiid bassan lea gildojuvvon gáhtta- ja geaidnoviidodagain ja eará almmolaš anus leahki báikkiin, nugo párkkain.

10.2 Mohtorfievrruid, mášeniid ja dan sullasaš rusttegiid hárve dáhpáhuvi bassan earáin earet čitnačázaluvvadasaid sisttisdoalli bassanávdnasiin sihke láhtteránuid bassan dábalaš ássananus leahkki giddodagas lea lobálaš, jos básahusčáziid sáhtta njammásuhttit hehttehusa dagatkeahhtá eanavuđđui dahje luoitit arvečáziid dahje básahusčáziid doalvunbohccái. Jos bassandoaibman lea ámmátlaš dahje dáhpáhuvvá dávjá dahje bassamis geavahuvvojit bassanávdnasat, mat dollet sisttis čitnačázaluvvadasaid, de galgá bassan dáhpáhuvvat dán dárkkuhussii ráhkaduvvon deahttavuđot bassansajis, gos básahusčázit luitojit sáddo- ja oljjusirrema bokte básahusčáziid doalvunbohccái.

Bodnečáhceguovlluin lea vuodjenfievrruid, fatnasiid, mášeniid ja rusttegiid bassan luvvadasbassanávdnasiin lobálaš dušše dán dárkkuhussii ráhkaduvvon bassansajis, gos bassančázit luitojit sáddo- ja oljjusirrengáivvuid bokte oktasaš básahusčáhcebohcciide.

Gáddeviidodagain mohtorfievrruid, mášeniid ja dan sullasaš biergasiid bassamis sihke láhtteránuid oktasaš bassansajiin šaddi básahusčáziid ii oaččo luoitit njuolggá čázadahkii.

11 § Fatnasiid bassan ja fuolahus

11.1. Fatnasiid bassan čitnačázaluvvadasaid sisttisdoalli bassanávdnasiiguin lea lobálaš dušše dán dárkkuhusa várás ráhkaduvvon bassansajiin, main básahusčázit biddjojit golgat oljjusirrenrusttegiid čađa básahusčáziid doalvunbohccái.

11.2. Dálveseaiilluhansajiin fatnasiid sáhtta bassat earáin earet čitnačázaluvvadasaid sisttisdoalli bassanávdnasiiguin dan láchkai, ahte básahusčázit njammásuhttojit eanavuđđui dahje biddjojit golgat arvečáziid doalvunbohccái.

11.3. Fatnasiid vuodđomála faskun galgá dahkkojuvvot deahtta vuodu alde, mii eastá málabázahusa beassamis eanavuđđui ja man alde málabázahusa sáhtta čohkket rádjui. Fatnasiid faskungavjja leavvama birrasii galgá eastit.

12 § Ealliid juolggušansajit sihke gilvagiid ja dustenávdnasiid geavaheapmi

12.1 Heasttaid ja gussašibihiid juolggušansajiin galgá baikkaid stáhpu mielde čorget nitráhtaásahusa gáibádusaid deavdi muhkkesadjái. Eanavuđot juolggušansaji bajilduseatnama galgá ođasmahttit dárbbu mielde. Juolggušaneatnamat galget biddjot uhcimustá 30 mehtera duohkái dálloodalločázi oazžumii geavahuvvon gáivvuin ja gálduin. 30 mehtera suodjegaskka gáibáduš ii guoskka giddodaga iežas gáivvo.

12.2 Dállodoalločázi váldimii geavahuvvon gáivvuid ja gálduid birra galgá guođdit uhcimustá 10 mehtera govdomaš suodjeviidodaga, masa ii biddjojuvvo veahka ja mii ii gieđahallojuvvo dustenávdnasiiguin.

12.3 Čázadagaid gáddái galgá guođdit uhcimustá 10 mehtera govdomaš suodjeviidodaga, masa ii biđgejuvvo dustenávnnas, muhkki, gužža, bahčasangolggus iige bázahusčáhcemohti.

12.4 **Bodnečáhceguovlluide** ii oaččo biđget dustenávdnasa, bázahusčáhcemođi, bahčasangolgoša, muhkkiid iige gučča. Bahčasangolgoša, ealliid baikkaid ja gučča biđgen beldui, mii lea bodnečáhceguovllus, lea liikkáge vejolaš 200 mehtera guhkalebbui servodaga bálvleaddji čáhceváldinsajis, jos čáhceváldinsaji suodjeviidodatmearrádusas ii nuppeláhkai mearriduvvo.

Čujuheapmi:

Stáhtaráđi ásahus eanadoalus boahtti nitráhtaid čáziide beassama ráddjemis 931/2000 (nitráhtásahus).

13 § Asfáltastašuvdna ja geađgemollenlágádus

13.1 Almmuhus gaskaboddosaš mollenlágádusa doaibmama álggaheamis galgá dahkkojuvvot gieldda birassuodjalanvirgeoapmahažžii uhcimustá 30 beavvi ovdal doaimmaid álggaheami.

13.2 **Mollendoaimmaid** sáhtta atnit gaskaboddosažžan jos dat bistet eanemustá 49 beavve. Doaibmanáiggi rehkenastimis doaimmat eai dárbbas leat boatkankeahtta bistit, iige geahčadanáigi ráddjejuvvo kaleandarjahká. Uhcimustá 50 beavve bisti, ja dänge oanehut doaibman álo, jos dat dáhpáhuvvá bodnečáhceviidodagas, dárbbasa biraslobi. Gaskaboddosaš mollemis dahkkojuvvon šlápmaalmmuhusas galget boahit ovdan uhcimustá čuovvovaš dieđut:

- 1) doaibmi ja stašuvdna oktavuodadieđut;
- 2) dieđut gos stašuvdna lea ja dan birrasis sihke guovllu lávas;
- 3) dieđut stašuvdna doaibmamis, buvttadeamis, kapasitehtas ja doaibmanáiggiin;
- 4) dieđut stašuvdna teknikalaš ráhkadusain;
- 5) dieđut bázahusčáziid sihke arve- ja suddančáziid gieđahallamis ja beassamis čáhcái ja čáhcebohcciide;
- 6) dieđut doaibmama šlámadoallamis ja šlámaeastindoaimmain;
- 7) dieđut hája doalliin ja luoitimiin áibmui;
- 8) dieđut doaibmamis šaddi bázahusain ja bázahusfuolahusas;
- 9) dieđut eanavuodus ja dan dilis sihke doaimmain eastit eanavuodu ja bodnečázi nuoskuma;
- 10) dieđut riskkaidhálldašeamis sihke dieđut čalmmis atnima ordnemis;
- 11) dieđut stašuvdna fámus orru lobiin, mearrádusain, almmuhusain ja soahpamušain.
- 12) kárta, mas albmanuvvet doaibmanguovllu ráját sihke lagamus orrun- dahje virkkosmananus leahkki visttit, luonddusuodjalanbáikkid ja bodnečáhceviidodagat sihke;
- 13) sajádattevnet, masa iešguđet doaimmat galget merkejuvvot.

13.3 Go doaimman nohká, de guovllu galgá čorget ja bázahusaid sihke eará badjelmearálaš ávdnasa galgá doaimmahit doppe eret áššáigullelaš vuostávdáldin-, vurken- dahje giedáhallasbáikái. Doaimmaid nohkamis galgá dalán almmuhit gieldda birassuodjalanvirgeoapmahažžii vejolaš loahppageahčadeami várás.

Čujuheapmi:

Asfáltastašuvnnat dárbbasit álo uhcimustá registrerenmeannudeami. Registrerenalmmuhusa galgá guoddit birassuodjalanvirgeoapmahažžii uhcimustá 90 beavvi ovdal go doaimbagoahtá (birassuodjalanláhka 12 ja 65 § sihke asfáltastašuvdnaásahus)

14 § Bohccuid gárddis doallan ja biebman

14.1 Bohccuid doallan gárddis dahje biebman bodnečáhceguovllus, mii lea čáhceváldinanus, lea gildojuvvon.

14.2 Bohccuid biebman čáhceguovllus dahje dastán dan lahkosis suinniiguin dahje eará fuodđariin lea gildojuvvon. Biebmanasaji ja ádjaga, rávarokki, joga, láddo dahje jávrri gaskii galgá báhcit uhcimustá 10 mehtera govdosas suodjeviidodat (vrd. 12.3. §) Suodjeviidodaga govvodagas galgá váldit vuhtii maiddáid dulvvi dan lálkai, ahte čáhci ii loktan 10 mehtera lagabui biebmanbáikki.

Biebmanin ii gehččojuvvo bohccuid čohkkemis ja čorraga jodiheamis uhcánaš ja gaskaboddosaš suinniid geavaheapmi.

15 § Beatnagiid gárddis doallan ja veaddin

15.1 Beatnagiid doallan reahka- ja kenneldoaimmaid várás gárddis laktásemiin čáhceváldinanus leahkki bodnečáhcegvlui lea gildojuvvon.

3.2 Beatnagiid veaddin jámma čáhceguovllus lea gildojuvvon.

3 LOHKU BUOLLI GOLGOSAT, KEMIKÁLAT JA VÁRALAŠ BÁZAHUSAT

16 § Oktasaš mearrádusat buolli golgosiid, kemikálaid ja váralaš bázahusaid giedáhallas

16.1 **Seilluheapmi.** Kemikálaid, mat seilluhuvvojit olgun, galgá doallat lohkkatánkkas dahje lohkkaduvvon sajis, jeahkki deahttavuođu alde, mas leat ravddat ja gáhttu. Sajis seilluhuvvon stuorámuš tánjka dahje lihti siskkáldus galgá čáhkát ná šaddan deahtta áldái.

Kemikálaid, mat seilluhuvvojit vistte siste, galgá doallat jeahkki deahttavuođu alde, mas ii leat bázahusčázi doalvunbohcci, nu ahte kemikálaid leavvan birrasii lea caggojuvvon dárbbaslaš állemiiguin, aládasaiiguin dahje šielmmáiiguin. Dárbbu miel

tánkkaide sáhtta bidjat sierranas suodjeáldáid, goas suodjeáldái galgá čáhkhat stuorámuš vurkejuvvon lihti geassu.

Kemikálaid seailuheapmái geavahuvvon tánkkaid dahje lihtiid alde galgá lohkat, mii kemikálaid tánkka dahje lihti siste lea.

Ovttaloavddat oljo-, boaldámuš- ja eará kemikálatánkkaid galgá bidjat eatnan ala gokčojuvvon deahtta suodjeáldáide. Buot tánkkaide galgá bidjat badjel deavdima eastinrusttega sihke čuovvun- ja/dahje alárbmavuogádaga golgamiid eastima várás.

Bodnečáhceguovllus ii ođđa liggeroljotánkkaid iige earáge boaldámuš- dahje kemikálatánkkaid dahje daid bohcciid oáččo bidjat eatnanvuollái. Ođđa giddes tánkkat galget leat guovtteloavddagat, ja daidda galgá bidjat badjeldeavdima eastinrusttega sihke áššáigullelaš čuovvun- ja alárbmrusttegiid. Ođđa liggeroljotánkkain boaldámuša galgá luoitit boaldinrusttegiid oktabohcevuogádagain dahje eará dan sullasaš dási teknihkain.

16.2 Tánkkaid dárkkisteami

Bodnečáhceguovllus dahje gáddeviidodagas eatnanvuloš oljo-, boaldámuš- ja kemikálatánkkaid galgá tánkka hálddašedjdi dahje eaiggát dárkkistuhtit fápmuduvvon dárkkisteaddjái jeavddalaččat uhcimustá oktii viđa (5) jagis jos dárkkistanbeavdegirjji vuodul ii gáibiduvvo dahkat dárkkisteami dávjjibut. Dárkkistanbeavdegirjji kopiija galgá doaimmahit dalán guovllu gádjunvirgeoapmahažžii ja gieldda birassuodjalanvirgeoapmahažžii diehtun.

Bodnečáhceguovllus dahje gáddeviidodagas eará go eatnanvuloš oljo-, boaldámuš- ja kemikálatánkkaid galgá tánkka hálddašedjdi dahje eaiggát dárkkistuhtit fápmuduvvon dárkkisteaddjái jeavddalaččat uhcimustá oktii logi (10) jagis jos dárkkistanbeavdegirjji vuodul ii gáibiduvvo dahkat dárkkisteami dávjjibut. Dárkkistanbeavdegirjji kopiija galgá doaimmahit dalán guovllu gádjunvirgeoapmahažžii ja gieldda birassuodjalanvirgeoapmahažžii diehtun.

Eará viidodagain buot oljo-, boaldámuš- ja kemikálatánkkaid galgá tánkka hálddašedjdi dahje eaiggát dárkkistahtit fápmuduvvon dárkkisteaddjái jeavddalaččat uhcimustá oktii logi (10) jagis jos dárkkistanbeavdegirjji vuodul ii gáibiduvvo dahkat dárkkisteami dávjjibut. Dárkkistanbeavdegirjji kopiija galgá doaimmahit dalán guovllu gádjunvirgeoapmahažžii ja birassuodjalanvirgeoapmahažžii diehtun.

16.3 Dieđut tánkkaid birra. Giddodaga hálddašedjdi dahje eaiggát, eatnama geavaheaddji, doaibmama hárjeheaddji dahje lágideaddji galgá addit bivddedettiin gieldda birassuodjalanvirgeoapmahažžii gohcima várás dárbašlaš dieđuid tánkkain, mat giddodagas leat, daid ortnegis ja dárkkistusain sihke ođđa tánkkaid sadjái bidjamis ja boares tánkkaid eretváldimis.

Anus eretváldojuvvon eatnanvuloš tánkkaid ja daid bohcciid galgá loktet eret eatnamis. Tánkka galgá gurret ja dárkkistahtit ovdal, go lokte eret eatnama siste, fápmuduvvon dárkkisteaddjái jos ovddit dárkkisteamis lea gollan eanet go mii dain mearrádusain lea

dárkkistangaskan mearriduvvo. Jos eanavuđđui dahje bodnečáhcai lea golgan olju, eará boaldámuš dahje kemikála, de galgá das almmuhit dalánaga guovllu Ealáhus-, johtolat ja birasguovddáži ja bivdit rávvagiid man láhkai nuskon eatnama buhtisteamis galgá dahkat.

Eatnamis eret loktejuvvon táŋkka dárkkistanbeavdegirji ja dokumeanta loktema čađaheamis galget doaimmahuvvot dalánaga guovllu gádjunvirgeoapmahažžii ja giełdda birassuodjalanvirgeoapmahažžii diehtun.

16.4 Golgi boaldámušaid juohkin eará sajiin go juohkinstašuvnnain. Plánedettiin boaldámušaide ođđa juohkinbáikki dahje -čuoggá galgá leat ovddalgihtii Oktavuodas birassuodjalanvirgeoapmahažžii.

Buot boaresge juohkinbáikkis galget dáid birassuodjalanmearrádusaid sirdásan-njuolggadusa mielde 1.1.2014 rádjai deavdit ráhkadussii guoski unnimusgáibádussan juohkinviidodaga jeahkima dan láhkai, ahte golgamat eanavuđđui leat estojuvvon. Divttisteapmin dohkkehuvvo standárddas SFS 3352 oaivvilduvvon bistibajildus dahje boaldámušaid gierdi plastihkkacuoza. Juohkinbáikái beassi bajildusčáziid galgá bidjat golgat čiegusrávaroggiid mielde dahje bastevašbajildusain dárbbaslaš állemiiguin oljosirremii.

Boaldámušaid juohkimis eai oaččo šaddat golgamat čázadahkii. Juohkinbáikkis galget leat njammásuhttin materiála ja eará gálvvut caggan dihtii golgamiid leavvama ja daid čohkkema várás.

Čujuheapmi:

Oppalašgeasu dáfus uhcimustá 10 m³ juohkinstašuvnnaid ja -sajiid bodnečáhceguvlui bidjama vejolašvuohta dutkojuvvo biraslohpeannudeamis. Eará guovlluide táŋkkaid oppalašgeasu dáfus uhcimustá 10 m³ juohkinstašuvnnat dárbbasit registrerenmeannudeami (birassuodjalanláhka 12 ja 65 § sihke birassuodjalanásahus 1 §).

16.5 Táŋkka suodjeáldásii čoggon arvečáziid galgá giedahallat dan láhkai, go dohko čoggojeaddji čázi lági hárrái lea dárbbaslaš.

16.6 – 16.9 sihkkujuvvon eret 7.4.2014

16.10 Gádjunvirgeoapmahažžii galgá dalánaga almmuhit váralašbázahusaid ja váralaš kemikálaid giedahallamis ja vorkemis dáhpáhuvvon bárttis.

16.11 sihkkujuvvon eret 7.4.2014

16.12 Sirdásanáigemearrádus lea buktujuvvon ovdan 28 §:s.

17 § Kemikálaid ja váralašbázahusaid giedahallan bodnečáhce- ja gáddeviidodagain

Dan lassin, mii 16 §:s lea mearriduvvon, galgá **bodnečáhceguovlluin ja gáddeviidodagain čuovvut čuovvovaš mearrádusaid:**

17.1- 17.4 sihkkovuvvon eret 7.4.2014

17.5 Bodnečáhce- dahje gáddeviidodagaide ii oáččo cegget golggusboaldámušaid ođđa juohkinbáikkiid, boaldámušvuorkkáid, biiladivohagaid, biilaburginsajiid iige fuolahusstašuvnmaid.

17.6 Ovttaloavddat eatnanvuloš tánkkat galget váldojuvvot eret.

17.7 Tánkenbáikkis galgá boaldámuštánkkaid sihke tánkenbáikki vuodđu leat ráhkaduvvon dakkárin, ahte vejolaš golgamat eai beasa eanavuđđui dahje čáhcái. Boaldámušgolgamiid várás galgá áibbas tánkenbáikki lahkosis leat njammásuhttinávnnas ja/dahje ráhkadus, gosa nuskon eatnama sáhtta čohkket doaimmaheami várás lobálaš vuostáváldinbáikái.

17.8 Šleatgajuohkinjoraheaddjiid, mat leat bodnečáhceguovlluin, ráhkadusa galgá plánet dan láhkai, ahte jorahanolju ii beasa eanavuđđui. Anus Leahkki stoalpojoraheaddjiid siskkildan oljju beassan eanavuđđui vihkáduvva oktavuodas galgá eastit ráhkademiin eanavuđđui doarvái jeahkki ráhkadusaid dahje geavahemiin goikejoraheaddjiid.

17.9 Sirdásanáigemearrádus lea buktojuvvon ovdan 28 §:s.

4 LUKU BÁZAHUSAID ÁVKIN ATNIN JA GIEDAHALLAN SIHKE MUOHTTAGA VUOSTÁVÁLDINBÁIKKIT

18 § Muohttaga vuostáváldinbáikkiid sajušteapmi ja suddančáziid giedahallan

18.1 Muohttaga vuostáváldinbáikki ii oáččo bidjat čázadahkii iige vuoddočáhce- dahje gáddeviidodagaide.

18.2 Muohttaga vuostáváldinbáikkiid ja gaskaboddosaš čobmensajiid galgá bidjat dakkár sadjái ja dikšut dan láhkai, ahte doaibman ii ludne iige dagat birrasa nuoskuma. Muohttaga vuostáváldinbáikkiid suddančáziid galgá njammásuhttit eanavuđđui dahje čielggasmahttit dahje giedahallat eará dan sullasaš vugiin ovdal go dat luitojit rávaroggái dahje čázadahkii.

19 § Visttiid ja ráhkadusaid jávkadeapmi boaldimiin sihke gulu boaldin

19.1 Visttiid ja ráhkadusaid boaldimiin jávkadeapmi deahhta ja hárvvet huksejuvvon guovllus lea gildojuvvon.

19.2 Gulu boaldin deahhta huksejuvvon guovllus lea gildojuvvon.

Gádjunvirgeopmahaččain lea dán paragrafa easttekeahttä vejolašvuohta iežaset hárjehallamiidda laktásemiin boaldit visttiid ja ráhkadusaid.

Čujuheapmi:

Gulu boaldimis galgá gádjunlága mielde gulu boaldi almmuhit ovddalgihtii gádjunlágádussii. Almmuhangeatnegasvuohhta guoská maiddá eará dollageavaheami, mas šaddá mearkkašahhti ollu suovva (gádjunláhka 7 ja 8 §).

19 a § Muhtun bázahusaid ávkinatnin eanaráhkadeamis

Eanaráhkadeamis sáhtta atnit ávkin mollejuvvon betonja almmuhemiin das gieldda birassuodjalanvirgeoapmahažžii uhcimustá 30 beavvi ovdal ávkinatnima sihke čuovvovaš eavttuid dievadettiin:

- 1) ávkinatnin ii guoskka lágádus- dahke ámmáthárjeheadji bargui
- 2) ávkinatninsadji ii leat klassifiserejuvvon vuoddočáhceguovllus iige earáge guovlluin mollejuvvon betonjas dahkkojuvvon ráhkadusgeardi oaččo gártat guoskkahussii čáhcelágas dárkkuhuvvon bodnečáziin
- 3) betonja galgá mollet vuollái 150 mm bihtáide
- 4) mollejuvvon betonja oažžu sisttisoallat 30 % mollejuvvon tiilla, muhto ii eará bázahusšlájaid omd. ruovddi
- 5) mollejuvvon betonjain buhtejuvvo huksemis juohke dáhpáhusas dárbbaslaš ávnnasgeardi
- 6) mollejuvvon betonja gokčojuvvo dahje dan ala biddjojuvvo bajildus
- 7) mollejuvvon betonja sajušteapmái lea giddodaga oamasteaddji ja hálldašeaddji dohkkeheapmi
- 8) mollejuvvon betonja galgá báhcit stáhtaráđi ásahusas muhtun bázahusaid ávkinatnimis eanaráhkadeamis (591/2006) addojuvvon ásahusas dasa mearriduvvon luvvanteastta rádjeárvvuid vulobeallái
- 9) gieldda birassuodjalanvirgeoapmahažžii dahkan almmuhusas galgá buktit ovdan uhcimustá sajuštansaji, ávdnasa vuolgaga, sajuštanmeari, sajušteami áiggi ja luvvanteastta bohtosiid

5 LOHKU GAVJJA DUSTEN 20 § Huksen-, gaikkodan-, ortnegisdoallan- ja buhtisindoallanbargguid gavjadusten

20.1 Deahtta huksejuvvon guovlluin huksen-, gaikkodan-, ortnegisdoallan- ja buhtisindoallanbargguin gavjja leavvama bargansaji birrasii galgá eastit njuoskademiin, geavahemiin suodjegokčasiid, kapselastimiin bohraideaddji bargguid saji dahje eará dan sullasaš láchkai.

20.2 Deahtta huksejuvvon guovlluin visttiid olgoseinniid ja ráhkadusaid cirggasbossama, alladeaddobassama (deaddu badjel 60 bar) sihke olgun dáhpáhuvi eará gaskaboddosaš cirggasbossama galgá dahkat suodjegokčasa vuolde, jos dat ii leat bargosaji boaittoeale sajádaga dahje barggu smávisvuoda geažil čielgasit dárbbasmeahtun.

20.3 Asbeastta, PCB, lossametállaid, luvvadasaid dahje birrasii ja dearvvasvuhtii eará váralaš ávdnasiid sisttisoalli gavjja ja bázahusa šaddama eanavuđđui, áibmui,

čáziide ja bázahusčáziid doalvunbohccái galgá eastit gavjasuddjemiiguin, čuožáhatnoavkinmášeniiguin, eanavuodu suddjemiiguin dahje eará beaktilis láhkai.

21 § Johtolatluottaid, šiljuid ja orustanbáikkiid buhtisindoallan

21.1. Johtolatluottaid ala, šiljuide ja orustanbáikkiide čoggon gilvinsáddo ja eará giddesávdnasa galgá gidđat váldit eret nu dalán go vejolaš go muohta ja jiekŋa leat suddan.

Sáddo ja giddesávdnasa eret váldimii ii oáččo geavahit dakkár mášeniid dahje vugiid dego lastabossunbiergasiid, mat dagahit gavjja leavvama áibmui.

21.2. Johtolatluottat, šiljut ja orustanbáikkiid galget buhtistuvvot dárbbu mielde earáge áigge go gidđat, jos dat dagahit headušteaddji bohristeami. Buhtisteapmi galgá dahkkot dan láhkai, ahte bázahusčáziid doalvunbohccái ii šatta sáttu nu, ahte dat sáhtá dahppohit bohcci.

22 § Gaskaboddosaš mollen ja laigun

22.1 Mollenovttadagaide galgá gavjja birrasii leavvama eastima geažil bidjat gavjasirrenbiergasa, deahtta gavjagokčasa dahje njuoskadanvuogádaga, jos lahkosis leat sajít, maidda šaddá headuštus. Gavjadustenvuogádat galgá leat anus álo mollenbargguid áigge.

22.2 Laigunbargu galgá bargojuvvot dan láhkai, ahte bohraideapmi šaddá nu uhcán go vejolaš. Bovrravovnnaide galgá bidjat gavjačoagginbiergasiid jos gavja beassá headušteaddji láhkai doaimanguovllu olggobeallái.

6 LOHKU ŠLÁMA EASTIN

23 § Šlápmaalmmuhusvuohki

23.1 Muosehuhti šláma dahje spargima dagaheadji gaskaboddosaš doaimabijus dahje dáhpáhuvvamis galgá dahkat birassuodjalanlága 60 §:s oaivvilduvvon šlápmaalmmuhusa gieldda birassuodjalanvirgeoapmahažžii buriin áiggiin, goittotge uhcimustá 30 jándora ovdal doaimabiju dahje doaimmaid álggaheami.

23.2 Almmuhusa ii liikkáge dárbbáš dahkat čuovvovaš doaimmain:

- hervvoštallanrakehtaid báhčimis
- sirkusčájáhusain

- dábálaš huksemis
- árgabeivviid vuossárggas bearjadahkii diibmu 7-18 dáhpáhuvi laigumis, bávkanbarggus, stoalpodearpamis dahje dan sullasaš earenoamáš muosehuhti šláma dagaheaddji barggus dahje huksemis, divvumis dahje ortnegisdoallamis, mas geavahuvvojit muosehuhti šláma dahkki mášenat ja rusttegat, go bargu bistá oppalohká eanemustá 10 bargobeivvi
- girdinčájáhusain dahje gaskaboddosaččat álbmogii ordnejuvvon girddiheamis
- jietnaskájaniid gaskaboddosaš geavaheamis diibmu 7-21 álbmotdilálašvuodain ja eará gaskaboddosaš dilálašvuodain álbmoga atnui soahppi báikkis
- dábálaš ja oanehisáigásaš olgoáibmodilálašvuodas, mii dáhpáhuvá vuossárggas bearjadahkii dmu 7-18 dahje lávvardaga dmu 8-18 dahje sotnabeivve 12-18 gaskasaš áigge. Dákkár dilálašvuodát leat ovdamearkka dihtii márkanat, hállan-, lávlun-, dásun-, čájáhus- dahje álbmotvaláštallandáhpáhusat dalle, go dat eai leat stuorradilálašvuodát
- Mohtorgielkágilvohallamiin mat dáhpáhuvet daidda plánejuvvon mohtorgeidnosiin.

Ovddabealde máinnašuvvon doaimmain dahje dáhpáhusain galgá doaibmi dahje dáhpáhusa lágideaddji ovddalgihtii almmuhit lahkosis ássiide ja eará dakkár beliide, geaidda doaimmain dahje dáhpáhusas sáhtá šaddat hehttehus dahje muosehisvuolta.

24 § Muosehuhti šlápma ihkku

24.1 Muosehuhti šláma dahkki mášeniid ja rusttegiid geavaheapmi ija áigge lea gildojuvvon dmu 22-07 viesuid ja eará dakkár sajiid lahkosis, maidda barggus sáhtá šaddat headuštus dahje muosehisvuolta. Mearrádus ii guoskka gaskaboddosaš vealtameahtun bargguid čađaheami.

7 LOHKU EARÁ MEARRÁDUSAT

25 § Eanalieggasa ávkinatnin

Vuoddočázi lági dorvvasteami várás dakkár eanaliekkasvuogádagaid huksen, maid ráhkadusat ollet vuoddočáhcai I dahje II –luohká klassifiserejuvvon vuoddočáhceguovllus, lea gildojuvvon.

Eanaliekkasvuogádagaid liekkassirdingolgosat galget leat birrasii dorvvolaččat.

26 § Spiehkasteapmi birassuodjalanmearrádusain

26.1 Birassuodjalanvirgeoapmahaš sáhtá earenoamáš sivas miedihit ohcamuša vuodul ovtat dáhpáhusas lobi spiehkastit dán mearrádusain. Spiehkasteamis ii oaččo šaddat birrasa nuoskun iige dan várra.

26.2 Birassuodjalanvirgeoapmahaš sáhtá addit dáid birassuodjalanmearrádusaid dievasmahtti rávvagiid ja mearrádusaid.

27 § Čuovvumušat birassuodjalanmearrádusaid rihkkumis dahje guođdimis vuhtii-válddekeahttá

27.1 Dáid mearrádusaid rihkkuma dahje vuhtiiválddekeahttá guođdima bággo-vugiin ja čuovvumušain mearriduvvo birassuodjalanlága 13 logus sihke 15 logu 116 §:s.

28 § Sirdásannjuolggadusat

28.1 Go birassuodjalanmearrádusat bohtet fápmui, de galget bázahusčáhcevuogádagat, mat leat anus, ordnejuvvot vástidit 5 §:s oaivvilduvvon gáibádusaid dálloodallobázahusčáhceásahas mearriduvvon áiggis 15.3.2016 rádjai. Birassuodjalanvirgeoapmahaš sáhtta ohcamuša vuodul miedihit áigetávvalii giddodaga guoskevaš sierralobi.

28.2 7 § buot čuoggáin oaivvilduvvon mearrádusat bázahusčáziid giedáhallanvuogádagain heivehuvvojit ođđahukseimii go birassuodjalan-mearrádusat bohtet fápmui. Boares giddodagain galget vuogádagat ođasmahttojuvvot mañimustá 1.1.2020, dahje dan ovdal, jos dain dahkkojit huksen- dahje doaibmabidjoloji dárbbaseaddji divvun- dahje nuppástusbarggut dahje smávva lassehuksema stuorát bargu. Goittotge jos dálá bázahusčáhcevuogádat ii deavdde 5 § gáibádusaidge, de galget 7 § gáibádusat leat devdojuvvon 15.3.2016 rádjai.

28.3 Go birassuodjalanmearrádusat bohtet fápmui, de käytössä olevat čuoggáin 16.1 ja 16.4 oaivvilduvvon sajít, mat leat anus, galget nuppástuhttojuvvot dakkárin go mearrádusain oaivvilduvvo 1.1.2014 rádjai.

28.4 **Bodnečáhce- ja gáddeviidodagain** birassuodjalanmearrádusaid fápmui boadedettiin anus leahkki dahje anus eret biddjon oljjuid, boaldámušaid ja golgguskemikálaid eatnanvuloš tånkkat, maid dárkkisteapmi lea healbaduvvon, galget buot leat dárkkistuvvon jo 1.1.2011 rádjai ja ovttaloavddat tånkkat galget váldojuvvot eatnamis eret juohke dáhpáhusas 1.1.2019 rádjai. Eatnanaláš tånkkat galget nuppástuhttojuvvot 1.1.2014 radjai dakkárin, go mearrádusain oaivvilduvvo.

Bodnečáhceguovlluin šleađgajuohkima stoalpojoraheaddjiid, mat leat anus, čuoggás 17.8 oaivvilduvvon eanavuodđosuddjemat dahje nuppástuhttin goikejoraheaddjin galget dahkkojuvvot 1.1.2014 rádjai.

29 § Birassuodjalanmearrádusaid fápmui boahtin

Dohkkehuvvon váldostivrras 15.12.2009 § 107
Dát mearrádusat bohtet fápmui 1.4.2010.

Beiváduvvon mearrádusat dohkkehuvvon váldostivrras 7.4.2014 § 13
Beiváduvvon mearrádusat bohtet fápmui 17.4.2014.

